



Pesë të arrestuar në Pejë e Gjakovë, konfiskohen armë dhe 107 bimë kanabis sativa

KRONIKA | August 25, 2022 - 12:25

SHPËRNDAJE:  

Policia e Kosovës, përmes një njoftimi, ka dhënë detaje lidhur me aksionin e sotëm që është zhvilluar në rajonin e Pejës, duke bërë të ditur se aksion i ngjashëm është zhvilluar edhe në rajonin e Gjakovës.

Sipas njoftimit të PK-së, hetuesit policorë nga Drejtoria për Hetimin e Krimit të Organizuar në koordinim dhe bashkëpunim me Prokurorinë e Shtetit, më 25.08.2022, kanë zhvilluar operacione policore në rajonin e Pejës dhe në rajonin e Gjakovës.

“Operacioni policor i zhvilluar në rajonin e Pejës ka ardhur si rezultat i zhvillimit të hetimeve intensive me qëllim të zbardhjes së veprimtarive kriminale, ku të përfshirë kanë qenë disa persona të dyshuar për trafikim të armëve. Gjatë operacionit policor janë identifikuar dhe arrestuar katër të dyshuar meshkuj kosovarë”, thuhet në njoftimin e Policisë, raporton Zeri.info.

Gjatë zhvillimit të këtij operacioni janë kryer kontrole të shtëpive dhe objekteve përcjellëse prona të të dyshuarve me qëllim të mbledhjes së provave dhe dëshmive, ku janë gjetur dhe konfiskuar: Pesë armë (një AK-47 dhe katër revole), një predhë trombloni dhe dyqind fishekë të kalibrave të ndryshëm dhe dëshmi tjera.


“Operacioni policor i zhvilluar në rajonin e Gjakovës, njësitë policore nga Drejtoria e Hetimit të Trafikimit me Narkotik e asistuar nga Njësia e Reagimit të Shpejtë dhe Njësia e Krim Teknikës, në fshatin Lug-Bunar – Gjakovë kanë realizuar një operacion policor.

Këtij operacioni policorë i kanë paraprirë procedurat e aplikimit të masave të fshehta të hetimit në kuadër të parandalimit dhe luftimit të dukurisë së kultivimit të bimëve narkotike. Si rezultat i zhvillimit të këtij plani operativ është identifikuar një person i dyshuar mashkull/kosovar, i cili është arrestuar pasi në një zonë malore të lokacionit të lartpërmendur kishte kultivuar bimë narkotike të llojit ‘kanabis sativa’, ku janë gjetur gjithsej njëqind e shtatë bimë të llojit të lartcekur, me një gjatësi prej 2.5 m, të cilat me udhëzim të prokurorit kompetent janë shkatërruar, ndërsa një pjesë e tyre janë marrë për ekzaminim”, thuhet në njoftimin e Policisë.


Si rezultat, në shtëpinë dhe objektet përcjellëse, pronë e tij, është kryer kontroll ku janë gjetur dhe konfiskuar: një armë automatike “AK-47” me karikator dhe shtatëmbëdhjetë fishekë, një karikator i revoles me njëmbëdhjetë fishekë.

Në lidhje me rastet e cekura për të gjitha veprimet e marra është njoftuar prokurori kompetent, me aktvendim të të cilit ndaj të dyshuarave është caktuar masa e ndalimit për 48 orë. /Zëri

Të rekomanduara



Me 17-vjeçaren në bagazh tentoi të hyjë në...
August 25, 2022



Arrestohet një shtetas turk në aeroportin...
August 25, 2022

Ferizaj: Një punëtor lëndohet me substanca kimike në vendin e punës
KRONIKA | August 25, 2022

Një person gjendet i vdekur në Istog, Policia nis hetimet
KRONIKA | August 25, 2022

Mërgimtari nga Gjermania rrah gruan sapo hyjnë në Kosovë
KRONIKA | August 25, 2022

Konfiskohet një armë në një aheng në Skenderaj
KRONIKA | August 25, 2022


Policia sekuestron armë në një aheng në Malishevë
KRONIKA | August 24, 2022

Tentoi të udhëtojë me pasaportë të huaj, shoqërohet në Polici një femër
KRONIKA | August 24, 2022

Më të lexuarat



Mërgimtari nga Gjermania rrah gruan sapo hyjnë në Kosovë



Tiranë: Hyri në pishinë pa ditur not, 25-vjeçarja po lufton me vdekjen [video]



Vdes biznesmeni kosovar, u plagos para një muajsh në Dujakë të Gjakovës



Gjendet pa shenja jete një person në Prishtinë



Grabitje me armë në një pompë të benzinës në Gërlicë të Ferizajt



Arrestohet një i dyshuar për vrasjen e 22-vjeçarit në Lipjan